



Asnath Mahapa o fofela godimo

Sara Lekganyane

Khanyisa Masemola



Lebo o buisana le Mokapoteine Asnath Mahapa ka go kwala mo makasining wa sekolo. O itumeletse go kopana le mofofisi wa ntlha wa mosadi wa montsho.

“Dumela, Mokapoteine Mahapa! O amogetswe mo puisanong ya rona,” ga bua.

“Dumela, Lebo. Ke a leboga. Mpitse Asnath,” ga bua.



“Ke kopa o mpolelele ka dingwaga tsa gago tsa bongwana,” ga bua Lebo.

“Ke belegetswe kwa Limpopo ka 1979.

Go ne go se na metsi kgotsa motlakase. Re ne re ithuta ka lesedi la kerese,” ga bua Asnath.



"O simolotse leng go rata difofane le go fofa?"
Lebo a botsa. "Ke simolotse go rata difofane fa
ke le dingwaga tse 13.

Ka simolola go buisa dimakasine tsa bofofisi
kwa sekolong.


Go simolotse jalo," Asnath a gopola.



"Jaanong la gola jang lerato la gago la go fofa?"
Lebo a botsa a kwala fa fatshe.

"Ke ne ke tlhola ke ipotsa gore difofane tse di
kgolo di kgona go nna jang mo moweng.

Ke ne ke batla go itse go le gontsi gore difofane
di fofa jang," Asnath a araba.



“Ke dithuto dife tse o tshwanetseng go di ithutela go nna mofofisi?” Lebo a botsa.

Asnath a tlhalosa gore Dipalo le Saense ke dithuto tse di botlhokwa.

“Gape o tshwanetse go fofisa diura di le dintsi pele ga o ka bona lokwalo lwa bofofisi,” a araba.



Lebo a botsa thatathata ka go ithutela bofofisi.

“Bofofisi bo tlhoka kitso ya dipalo e ntsi.


Go ithutela Boenjini go ruta go itse ka tsamaiso ya difofane. Boenjini bo ikaegile ka Saense le Dipalo,” Asnath a araba.



“O ne o ikutlwa jang fa o simolola go fofa? Nna ke tshaba go fofa.” Lebo ga bua.

“Ijoo! Tlhogo ya me e ne e dikologa. Fela ke ile ka nna pelokgale.

Jaanong, ke fofela kwa dinageng tse dintsi mme ke ithuta ka ditso tse di farologaneng,” Asnath a araba.



“Seo se tshwanetse se bo se itumedisa! Lebo ga bua. “A o ka mpolelela go le gontsi ka ga difofane?”


“Mowa o o kgabaganyang go ralala diphuka o isa sefofane kwa godimo.

Kgorometso ya dienjene a se isa kwa pele,” Lebo a tlhalosa.



"Go a itumedisa," Lebo ga bua. "A o ne o na le dikgoreletsi tsa go nna mofofisi?"


"Ee, mathata a mantsi! Go ne gotwe ke mokhutshwane. Le gore dithuto tsa me ga di maleba. Le gore bofofisi ga se tiro ya basadi."



“O rarabolotse mathata ao jang?” Lebo a botsa.

“Ke ne ka lwantsha molao wa seemo sa kgolo. Ke ile ka boela sekolong sa bofofisi mme ka bona maduo a a kwa godimo.

Ke ne ke batla go bontsha gore basadi ba na le bokgoni,” Asnath a araba.



Lebo a dumela mme Asnath a tswelela, "Ke ithutile gore fa o ikemiseditse o tlaa kgona.

Ke ne ke sa reetse ope yo o neng a nnyemisa mooko. Le gore basadi ba kgona fela jaaka banna."

"Ke nnete!" Lebo ga bua.



“O motlotlo ka eng?” Lebo a botsa.

“Ke ne ke le dingwaga di le someamabedi fela fa ke ne ke nna mofofisi wa ntlha wa montsho wa mosadi mo Aforikaborwa.

Gape ke ne ke le karolo ya setlhophha sa basadi se e neng e le sa bafofisi. Ke rata go rotloetsa basetsana go ithutela Saense,”



"Ka maswabi re feletswe ke nako. Ke lebogela puisano.

O re bontshitse gore maikemisetso a go isa godimo!" Lebo a rialo.

"Ke a leboga Lebo. Ke itumeletse go bua le wena!" Asnath ga bua a nyeba.

—Dipotso

1. Ke batho bafe ba babedi ba ba buisanang fa e bile ba bua ka eng?
2. Goreng Lebo a dira puisano e?
3. Ke eng se se dirileng gore Asnath a nne mofofisi?
4. Tlhalosa gore go tlhokega eng go nna mofofisi.
5. Difofane di fofa jang?
6. Batla tshedimosetso ya gore ke mang mofofisi wa ntlha wa mosadi mo Aforika.
7. A o dumela gore mongwe le mongwe a ka fofisetsa kwa godimo jaaka Asnath? Tlhalosa.
8. Asnath o nnile le kgatlhego mo difofaneng fa a na le dingwaga tse 13. Wena o na le kgatlhego mo go eng? O tlaa fitlhelela seo jang?

—Dibuka tse di mo motseletseleng o

- Andile Mji
- Asnath Mahapa
- Bongani Mayosi
- Charlotte Maxeke
- Mmantsane Moche Diale
- Mulalo Doyoyo
- Tebello Nyokong
- Tshilidzi Marwala

Bukakanelo e, e tthamilwe le go kwalwa
ka puo ya Sepedi, jaaka karolo ya
porojeke ya didirswa tsa go buisa ya
Zenex Ulwazi Lwethu ya 2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Asnath Mahapa o fofela godimo

Author/s: Sara Lekganyane

Translator/s: Lorato Trok

Illustrator/s: Khanyisa Masemola

Assurer/s: Dineo Moatshe, Opelo Thole

Language: Setswana



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

